

## Danmarkip naalagaaffiata inatsisai tunngaviusut

(Inatsit nr. 169 5. juni 1953-imeersoq)

### *Kapitali I.*

§ 1. Inatsisit tunngaviusut makku Danmarkip naalagaaffianut atasuni tamani atortussaapput.

§ 2. Naalakkersuinerup ingerlanneqarnerani kunngi killilimmik aalajangiisussaataavoq. Kunngiussuseq kunngiusinnaasussanik inatsisini marsip 27-anni 1953-imi<sup>1</sup>) najoqqutassat aalajangersagaasut naapertorlugit angutitut arnanullu kingornutitinneqartassaaq.

§ 3. Kunngi inatsisartullu suleqatigiillutik inatsisiliortartussaapput. Kunngi aalajangiisussani qullersaasussaassaaq. Eqqartuussisarneq eqqartuussisut qullersaaffigisassaraat.

§ 4. Ilagiit naaggaartut (Lutherikkut) danskini naalagaaffiup ilagiissortarai naalagaaffimmit tapersorneqartussaallutik.

### *Kapitali II.*

§ 5. Kunngi inatsisartunit akuerineqarani naalagaaffinni allani naalakkersuisuusinnaangilaq.

§ 6. Kunngi ilagiinnut Lutherikkunnt ilaasuussaaq.

§ 7. Kunngi 18-inik ukioqaleruni inersimasutut piginnaatitaallissaaq. Kingoraartissaanuttaaq tamanna atorpoq.

§ 8. Kunngi naalakkersuinerumi pisortannortinnani ministerit kunngip siunnersuisoqataasa (statsrådig) ataatsimiinneranni allakkatigut ilumoorluinnartumik neriorsuissaaq inatsisit tunngaviusut unioqqutinngisaannarumallugit. Neriorsuineri oqaasertai assigiissut marlungorlugu allanneqassaaq aappaalu inatsisartunut tuniunneqassalluni allagaatini inatsisartut katersugaataanni toqqorsimasassaaq, aappaalu allakkanut naalagaaffiup katersugaataanut ilanngunneqassalluni. Kunngit nikinnerisa kinguinnguagut kunngip qimagusimanini allatulluunniit akornuteqarnini pissutigalugu neriorsuut tamanna nalunaarutigisinnaangippagu neriorsuinissaa pitserlugu naalakkersuineq statsrådimit pisortaaffigineqassaaq inatsisitigut allatut aalajangiineqangippat. Kunngi kunngissaatillunili tamatuminnga neriorsuuteqareersimaguni kunngit nikinneranni erninnaq naalakkersuinerumi pisortaallissaaq.

§ 9. Kunngi inersimasutut piginnaatitaalersinnagu, napparsimatillugu qimagusimatilluguluunniit naalakkersuineq qanoq ingerlanneqassasoq inatsisitigut aalajangersarneqassaaq. Kunngeerunnerani

---

<sup>1</sup> Qupperneq 24

kunnginngortussaqaanngippat inatsisartut kunngissamik qinersissapput qanorlu kingoraarneqartarnissaa aalajangersarlugu.

**§ 10.** Naalagaaffiup kunngimut aningaasarsiarititassai kunngiunerani atasussatut inatsisitigut aalajangersarneqassapput. Ilanngullugittaaq aalajangersarneqassagipput illussaarsuit naalagaaffiullu pigisai allat suut kunngimut atugassaritinneqassanersut.

*Stk. 2.* Naalagaaffiup aningaasarsiarititai akiligassanut akiliutigittinniarneqartussaannngillat.

**§ 11.** Kunngip ilaqtai inatsisitigut aalajangersaanikkut ukiumut aningaasarsiaqartinneqarsinnaapput. Ukiumut aningaasarsiarititai Danmarkki qimassimagaanni inatsisartut akuerseqqaarsimatinnagit pisassarineqarsinnaannngillat.

### *Kapitali III.*

**§ 12.** Inatsisini tunngaviusuni makkunani kunngip piginnaanerani killiliissutaasut najoqqutaralugit kunngi naalagaaffimmut atasuni tamani qullersaasutut naalagaanersaavoq tamatumanilu ministerit sulisorissallugit.

**§ 13.** Kunngi akisussaatinniarneqarsinnaanngilaq; kunngi inuuvoq inniminarluinnartuussasoq. Naalackersuinerup ingerlanerani ministerit akisussaatitassaapput; akisussaassusiat erseqqissarneqarluni inatsisitigut aalajangersarneqassaaq.

**§ 14.** Statsministeri ministereqataalu kunngip ministerinngortillugillu soraarsissinnaavai. Qassiussanersut sunillu suliassinneqassanersut aalajangertassavaa. Inatsisinut naalackersuinerullu tunngasut aalajangersarniakkat kunngip atsiorsimappagit ministerillu ilaata arlallilluunniit kunngi atsioqatigisimappassuk atortussanngortinneqassapput. Ministerit arlaat kinaluunniit atsiueqataasoq aalajangersakkamut akisussaassuseqartuuvoq.

**§ 15.** Inatsisartut tatiginani ilisimatippanni ministeri kinaluunniit atorfimminit tunuartariaqarpoq.  
*Stk. 2.* Statsministeri inatsisartunit tatigineqarani oqaaseqarfigineqaruni ministereqatini peqatigalugit soraarniassaaq inatsisartunut ilaasussanik nutaamik qinersineqassanngippat. Ministerit tatigineqannginnerminnik oqaaseqarfigineqartut soraarniarlutilluunniit kissaateqareersimasut ministerit nutaassat atorfinitsinneqarsiillugit suliassaminnik ingerlatsiinnarallassapput. Ministeriunnarallartut atorfimmini suliassanik pinngitsoornani ingerlassassaasuinnarnik suliaqartussaassapput.

§ 16. Ministerit atorfirminni suliatik pillugit kunngimit inatsisartunilluunniit unnerluutigineqarsinnaapput. Naalagaaffiup eqqartuussisuisa (rigsretten) ministerinut atorfirminni suliasaminnik ingerlatsinerannik pisuutitsissutit eqqartuussissutigisassaraat.

§ 17. Ministerit tamarmik statsrådimut ilaasortaasussaapput, kunngissarlu inersimasutut piginnaatitaalernerminut ilaasartussaavoq. § 8-mi oqaatigineqartutut pisoqartinnagu § 9-milu aalajangigaq naapertorlugu inatsisunik pilersitsisartunit statsrådi naalakkersuinermin qullersaasussatut piginnaaneqartitaasimatinnagu kunngi siulittaasuusaaq.

*Stk. 2.* Inatsisit suusulluunniit naalakkersuisullu aalajangersarniagaat pingaarnerusut tamarmik statsrådimi oqaloqatigiissutigineqartussaapput.

§ 18. Kunngi statsrådimi ataatsimeeqataassalluni akornuteqarsimaguni sulissutigisassaq ministerinut siunnersuisoqatigiinnut (ministerråd) ataatsimiissutigeqqusinnaavaa. Taakkununga ministerit tamarmik ilaasussaapput statsministeri siulittaasoralugu. Ministerit tamarmik isummatik nalunaarlugit allattaavissuarnut allatsissavaat amerlanerusullu isumaat naapertorlugu aalajangiineqassalluni. Allattaavissuit oqaloqatigiissutit allassimaffii ministerinut najuuttunit tamanit atsiorneqarsimasut statsministerip kunngimut saqqummiussassarai, kunngillu aalajangigassaraa ministerrådip siunnersuutai akueriinnarumanerini imaluunniit sulissutigisag statsrådimi imminut saqqummiuteqqussanerini.

§ 19. Inuiannut allanut atassuteqartutigit kunngi naalagaaffimmi pisussaaitaasutut sulissutiginnittussaavoq. Inatsisartulli akuersiseqqaartariaqartassavai naalagaaffiup annerulernissaanut minnerulernissaanulluunniit atasunik sulissutigisagassaguni, akuersissuteqassaguniluunniit naammassinissaanut inatsisartut suleqataaffigisassarisaannik, allamilluunniimmi annertuumik pingaaruteqartumik akuersissuteqassaguni. Aammattaaq inatsisartut akuersinerisigit inuiannut allanut isumaqatigiissutaasut inatsisartut akuerseqqaartinnagit kunngip atortussaajunnaarsissinnaanngilai.

*Stk. 2.* Naalagaaffiup danskilluunniit sakkutuuisa saassunneqarneranni illersorniarneq pinngikkaanni kunngip inatsisartut akuersisimatinnagit sorsunnermut atortussiat naalagaaffimmut sumulluunniit atorsinnaanngilai. Aalajangersagaq tamanna naapertorlugu kunngi sulissutigisagarsimassagaluarpata tamanna inatsisartunut erniinnaq oqaaseqarfigitinneqassaaq. Inatsisartut katersuussimangippata piaarnerpaamik ataatsimiigiaqquneqassapput.

*Stk. 3.* Inatsisartut ilaminnik qinigaqassapput naalakkersuinermin nunanut allanut atassuteqartutigit siunnersuisuusussanik (et udenrigspolitisk nævn) naalakkersuisullu taakku siunnersoqatigisassavaat naalakkersuinermin nunanut allanut atassuteqartunik annertuumik aalajangerniagassaqaaleraangat. Udenrigspolitiske nævniut malittarisassat erseqqinnerusut inatsisitigit aalajangersarneqartussaassapput.

**§ 20.** Inatsisit tunngaviusut makku naapertorlugit naalagaaffiup naalakkersuisuisa aalajangiisussaaffigisaat naalagaaffiit assigiinngitsut pisortaatitaannut inuiaat assigiinngitsut eqqortussamik salliutitsiumallutik suleqatigiillutillu angusaqarnerujartornissaat pilersinniarlugu nunat allat isumaqatigiissuteqarfigalugit atulersitaasunut inatsisitigut erseqqinnerusumik nalunaajarlugit taakkunanga aalajangigassatut oqaasissaqarfigisassannngortinneqarsinnaapput. *Stk. 2.* Taama inatsisissatut siunnersuut akuersissutigineqassappat inatsisartunut ilaasut arfinilinngorlugit agguarlugit aggornerisa tallimaasa akuersinissaat pisariaqarpoq. Taama amerlanerutigisut akuersinngippata inatsisilialli allat akuerinissaanni akuersisut amerlassusissaat anguneqarsimagaluarluni, naalakkersuisullu siunnersuut tunuartikkumangippassuk, siunnersuut inatsisartussanik taasisinnaasunut akueriumaneraat akueriumannginneraalluunniit taasisitsissutigitinneqassaaq innuttaasut taasisinnaanissaanni § 42-mi najoqqutassat aalajangigaasut naapertorlugit.

**§ 21.** Inatsisissanut siunnersuutit aalajangigassallu allat kunngip inatsisartunut saqqummiutitissinnaavai.

**§ 22.** Inatsisissatut siunnersuut inatsisartunit akuerineqartoq inatsisinngussaaq akuersissutigineqarneranit kingusinnerpaamik ullut 30-t qaangiutsinnagit kunngimit aalajangersarneqarpat. Inatsisip tamanut ilisimatinneqarnissaa kunngip peqqussutigissavaa atortuutinneqarnissaalu isumagisassarissallugu.

**§ 23.** Pisariaqarluinnartillugu inatsisartut katersuussimannginneranni kunngi utaqqiisaagallartumik inatsisiliorsinnaavoq inatsisinulli tunngaviusunut akerliussuteqanngitsunik, tamatigulli inatsisartut katersuunniariarpata erninnaq inatsisartunit akuerineqartussatut atortussaataaangitsussatulluunniit oqaaseqarfigineqartartuusartussanik.

**§ 24.** Kunngi pillakkamik saammaassisinnaallunilu pillakkanik arlalinnik ataatsikkut pillagassaajunnarsitsisinnaavoq. Ministerit rigsretimit pillagassannngortitaasut inatsisartut akuersippata aatsaat pillagassaajunnaarsissinnaavai.

**§ 25.** Kunngi nammineerluni naalakkersuisunilluunniit pisortaatitaasutigut akuersissuteqarsinnaavoq, inatsisilluunniit malillugit pisussaatitaanermi tunuartitsisinnaalluni, malittarisassanit juunip 5-aat 1849 sioqqullugu atulersunit sulilu maanna atortuusunit tamatuma kingornagut inatsisinngorsimasut pisussaatitsinerannit.

**§ 26.** Kunngi inatsisit naapertorlugit aningaasalioqqusisinnaatitaavoq.

**§ 27.** Naalagaaffimmi atorfinitsitsinissami najoqqutassat inatsisitigut aalajangersarneqassapput. Innuttaanngitsoq naalagaaffimmi atorfinitsinneqarsinnaangilaq. Atorfillit kunngimit atorfinitsitaasut uppersaallutik neriorsuisussaapput inatsisit tunngaviusut maleqqissaarniarumallugit.

*Stk. 2.* Atorfillit soraarsinneqarsinnaanerit, nuutinneqarsinnaanerit pensionertinneqarsinnaanerallu inatsisitigut najoqqutassiorneqassaaq, tamatumunngali atatillugu takuuk § 64.

*Stk. 3.* Kunngimit atorfinitsitaasut akuersiseqqaarnagit nuutinneqarsinnaapput aatsaat atorfimmini aningaasarsiarisaat minnerulissanngippata, namminnerlu aalajangiisinnaatitaassapput nuutitaanissartik akueriومانeraat najoqqutaasulluunniit naapertorlugit pensioniinnarumanersut.

#### *Kapitali IV.*

**§ 28.** Inatsisartut ataasiullutik ataatsimiittartussaapput amerlanerpaajussagunik 179-inik ilaasortaqaassallutik, taakkunanngalu ilaasortat marluk Savalimmiuni marlullu Kalaallit Nunaanni qinigaasussaapput.

**§ 29.** Inatsisartunut qinerseqataasinnaasut tassaapput kikkulluunniit danskiusutut innuttaasut, naalagaaffimmi najugaqavissut, *stk. 2-mi* eqqartorneqartunik qinerseqataanissami ukiussanik angusaqarsimasut, namminersorsinnaanermik arsaarneqarsimanngikkunik. Inatsisitigut aalajangerneqassaaq qanoq annertutigisumik pillarneqarneq ikiuutisinerlu, inatsisit naapertorlugit perlernaveeqqutisinerlut isumaqartinneqartoq, qinersinnaanermik annaasaqaataassanersut.

*Stk. 2.* Ukiut qinerseqataasinnaanngorfiusut tassaapput inatsit marsip 25-anni 1953-imi atulersoq naapertorlugu innuttaasut taasisinneqarnerisigut amerlanerusunit piumasarineqarsimasoq.

Qinerseqataanissami qassinik ukioqarnissaq sukkulluunniit inatsisitigut allanngortinneqarsinnaavoq. Taama inatsisissamut siunnersuut inatsisartunit akuersissutigineqarsimasoq aatsaat kunngimit atortussanngortinneqarsinnaavoq qinerseqataasinnaanermut ukiussarititanut allannguuteqarnissamut aalajangersarniagaa § 42, *stk. 5* naapertorlugu innuttaasunut taasisutigitinneqareersimalluni akerliuffigineqartut tunuartiinnartariaqarsimanngippat.

**§ 30.** Kinaluunniit inatsisartunut qinerseqataasinnaasoq qinerneqarsinnaavortaaq pillarneqaatigisaminik suliaqarsimanngikkuni inatsisartunut ilaasortaanissaminut inuit isiginninneranni nikanarsaataasumik.

*Stk. 2.* Atorfilik inatsisartunut ilaasortassatut qinerneqartoq ilaasortanngornissaminut naalakkersuisunut akuereqqaqqusariaqannngilaq.

**§ 31.** Qinersisussat nammineerlutik isertortumillu taasinerisigut inatsisartunut ilaasortassat qinerneqartassapput.

*Stk. 2.* Qinerseqataanissami malittarisassat inatsisini qinersinermi najoqqutassani erseqqinnerusumik nalunaarsorneqassapput, taakkunanilu aalajangerneqassaaq qinersineq qanoq ingerlanneqassasoq qinersisut assigiinngitsunik siunertaqartut amerlassutsiminnut naleqquttunik taasaqarsinnaatinniarlugit, tamatumunngalu ilanngullugu aalajangerneqassaaq pisariaqassanersoq isumaqatigisat amerlassusiat najoqqutaralugu qinersisarneq ilaasortassanik ataasiakkaanik qinersinermi atortinneqassanersoq atortinneqassannginnersorluunniit.

*Stk. 3.* Inatsisartunut ilaasortassarsiorfissat aalajangerniarneranni qinersivissat inuisa amerlassusiat, qinersisussat amerlassusiat aammalu inuttussuseq inukissuserluunniit naatsorsuutigineqartariaqarput.

*Stk. 4.* Qinersinissamut inatsisini sinniisussat qinerneqarnissaannik inatsisartunullu ilaasortannornissaannik najoqqutassiaqassavortaaq, kiisalu qinerseqqinneqartariaqassappat qanoq iliortariaqassasoq.

*Stk. 5.* Kalaallit Nunaannit inatsisartunut ilaasortassat pillugit immikkut najoqqutassat inatsisitigut aalajangersarneqarsinnaapput.

**§ 32.** Inatsisartunut ilaasortassat ukiunut sisamanut qinerneqartassapput.

*Stk. 2.* Kunngi sukkulluunniit nutaanik qinersineqartitsisinnaavoq, nutaanillu qinersineqareerpat ilaasortaasimagaluarneq atorunnaassaaq. Kisiannili ministerertaat atulersinneqareersimappata statsministerilu inatsisartunut siunertarisani nalunaarutigalugit sassareersimatinnagu qinersisitsiniarneqarsinnaanngilaq.

*Stk. 3.* Statsministerip sulissutigisassaraa qinersivissaq qaangiutsinnagu nutaanik qinersineqartitsissalluni.

*Stk. 4.* Nutaanik qinersineqareersinnagu inatsisartunut ilaasuuneq atajuartussaavoq.

*Stk. 5.* Savalimmiunit Kalaallillu Nunaannit inatsisartunut ilaasortaanerup atortuulernissaa atortuujunnaarnissaalu inatsisitigut immikkut najoqqutassiorneqarsinnaavoq.

*Stk. 6.* Inatsisartunut ilaasortap qinigassaasinnaassutsi annaaguniuk ilaasortaajunnaassaaq.

*Stk. 7.* Kinaluunniit ilaasortanngorlaaq qinigaanini eqqortuunersoq misilinneqareerpat ilumoortumik neriorsuissaaq inatsisit tunngaviusut maleqqissaarniarumagini.

**§ 33.** Inatsisartut ilaasortamik qinigaasimanerat eqqortuunersoq namminneq aalajangigassaraat aammalu ilaasortaq qinigassaajunnaarsimanersoq aalajangigassaraluguttaaq.

**§ 34.** Inatsisartut innimiginarluinnartussaapput. Kinaluunniit inatsisartunik ajortumeeriniartooq qunutitsiniartorluunniit, kinaluunniit inatsisartut ajortumeerniarnissaannik siunertaqarluni

peqqusisimasoq peqqusissutaasumilluunniit malinnittoq nunaminik ajunaartitsiniartutut pisuutitaassavoq.

#### *Kapitali V.*

§ 35. Inatsisartut nutaamik qinigaasut qinersiviup kingornagut ullut ulluinnaasut aqqaneq-aappaanni nal. 12 katersuuttussaapput tamanna sioqqullugu kunngip ataatsimiikkaqqoreersimanngippatik.

*Stk. 2.* Qinigaaneq misissorneqareerniariapat inatsisartut katersuutissapput siulittaasussamik sinniisussaanillu qinerlissallutik.

§ 36. Inatsisartut ataatsimiittarnerat ortuuparimi marlungornermi siullermi aallarnissaaq ukiumi tullermi marlungornermut tassunga atassalluni.

*Stk. 2.* Inatsisartut ataatsimiittalerfiata ulluani siullermi nal. 12 ilaasortat ataatsimiilissapput, taamalu inatsisartut katersuuteqqillutik.

§ 37. Naalackersuisut najugarisaat inatsisartut ataatsimiiffigisassavaat. Pingaartumilli pissutissaqartillugu inatsisartut naalagaaffiup ilaani allami katersuussinnaapput.

§ 38. Inatsisartut ukiumut ataatsimeeqqaarneranni statsministerip naalagaaffimmut tunngasuni taasariaqartut naalackersuisullu sulissutigissamaagaat nalunaarutigissavai.

*Stk. 2.* Nalunaarutaasut ataatsimiinnermi oqaloqatigiissutigineqassapput.

§ 39. Inatsisartut siulittaasuata inatsisartut ataatsimiikkaqqusassavai oqaluuserisassat nalunaarutigalugit. Taamattaq siulittaasoq ataatsimiikkaqqusisussaavoq inatsisartunut ilaasut tallimanngorlutik aggorlutik aggornerisa marluk inornagit imaluunniit statsministeri allakkatigut nalunaarlutik ataatsimiinnissaq kissaatigisimappassuk suullu oqaluuserisassaasut nalunaarlugit.

§ 40. Ministerit atorfitsik naapertorlugu inatsisartut ataatsimiinnerini ilaasinnaapput oqaloqatigiinnernilu oqaasissaqarumasaraangamik piumallerlutillu oqalunnissartik piumasarsinnaallugu, ataatsimiinnerulli ingerlanerani ileqqussat najoqqutarisassaralugit. Ministeriuutigalutik inatsisartunut ilaasortaasimagunik aatsaat aalajangiiniarnerni taaseqataasarsinnaassapput.

§ 41. Inatsisartunut ilaasoq kinaluunniit inatsisissanut aalajangersagassanullu allanut siunnersuuteqarsinnaatitaavoq.

*Stk. 2.* Inatsisissatut siunnersuut inatsisartuni pingasoriarluni oqaluuserineqareersinnani naammassineqartutut isumaqatigiissutigineqarsinnaanngilaq.

*Stk. 3.* Inatsisartunut ilaasut tallimangorlutik aggorlutik aggornerisa marluk siulittaasoq piunasaqarfigisinnaavaat pingajussaanik oqaluuserinninnissaq kinguardeqqullugu siunnersuutip aappasaanik oqaloqatigiissutigineqarluni isumaqatigiissutigineqarsimanerata kingornagut ulluinnaat aqqaneq-marluk qaangiunnissaannut. Taama kissaatigisaq allaganngorlugu tunniunneqassaaq ilaasortanit kinguartitsiniartunit atsiugaalluni.

Kinguartinniarneqarsinnaanngitsulli makkuupput; naalagaaffiup aningaasai pillugit inatsisissatut siunnersuutit, aningaasat atortitassat tapiuserneqarnissaannut inatsisissat, akuersissutaagallartunut inatsisissat, naalagaaffiup taarsigassarsinissaani inatsisissat, innuttaasunnngortinneqarnermi inatsit, pinngitsaaliilluni arsaarinissani inatsisissat, nioqqtunut akileraarusiassat pillugit inatsisissat kiisalu pisariaqarluinnalersortutut inatsisinnngortinniakkat inatsisissap siunertarisaa pillugu kinguarsarneqartussaannngitsut.

*Stk. 4.* Inatsisartunut nutaanik qinersineqarnerani ukiullu inatsisartut ataatsimiittarfiata qaangiunnerani inatsisissanut allanullu aalajangersagassanut siunnersuutit naammassillutik isumaqatigiissutigineqareersimannngitsut tamarmik tunuartinneqartussaapput.

**§ 42.** Inatsisissatut siunnersuut inatsisartunit akuersissutigineqarsimappat inatsisartunut ilaasortat aggornerisa pingajuusa siunnersuutip naammassilluni akuersissutigineqarneranit ulluinnaat pingasut qaangiutsinnagit siulittaasoq piunaffigisinnaavaat inatsisissatut siunnersuut innuttaasunut taasissutigiteqqullugu. Taama qinnutigisaq allaganngorlugu tunniunneqassaaq ilaasortanillu kinguartitsiniartunit atsiugaalluni.

*Stk. 2.* Inatsisissatut siunnersuut innuttaasunit taasissutigineqarsinnaasoq, tak. stk. 6 taamaallaat stk. 7-imi eqqartorneqartutut pissutissaqarpat kunngimit aalajangersarneqassaaq stk. 1-imi piffissaatitaasoq qaangiutsinnagu imaluunniit innuttaasut taasisinneqarnissaat piunasaqarfigisinnagu.

*Stk. 3.* Inatsisissatut siunnersuut innuttaasunut taasissutigitinniarneqaraangat inatsisartut siunnersuutip naammassilluni akuersissutigineqarneranit ulluinnaat tallimat qaangiutsinnagit aalajangersinnaavaat siunnersuut tunuartinneqaannassanersoq.

*Stk. 4.* Stk. 3 naapertorlugu inatsisartut aalajangiinnngippata inatsisissatut siunnersuutip innuttaasut taasisinneqarnerisigut misilinneqarnissaanik nalunaarut piaarnerpaamik statsministerimut nassiunneqassaaq, taassumalu inatsisissatut siunnersuut tamanut tusagassiaritissavaa nalunaarutigalugulu innuttaasut taasisinneqassasut. Statsministerip aalajangiinera naapertorlugu innuttaasut taasisinneqassapput taasissutissap tusagassiarineranit piaarnerpaamik ulluinnaat aqqaneq-marluk qaangiussimappata kingusinnerpaamillu ulluinnaat 18-it qaangiutsinnagit.

*Stk. 5.* Innuttaasut taasisinneqarneranni inatsisissatut siunnersuut akueriumanerlugu akueriumannnginnerluguluunniit taasisitsissutigineqassaaq. Inatsisissatut siunnersuut



tunuarinneqassappat inatsisartussanik qinersisinnaasut taaseqataasut amerlanersaasa, qinersisinnaasulli tamakkerlutik 30 pct.-ii inornagit, inatsisissatut siunnersuummut naaggaarsimanissaat piumasarineqarpoq.

*Stk. 6.* Inatsisissatut siunnersuutit naalagaaffiup aningaasai pillugit, aningaasat atortitassat tapiuserneqarnissaannik, akuersissutaagallartunut, naalagaaffiup taarsigassarsinissaanut, atorfigisassat aalajangerannut, akissaatinut pensioninullu, innuttaasunngortinneqarnernut, pinngitsaaliilluni arsaarinissaanut, akileraarutit akissarsianit nioqqutinillu pisassat pillugit inatsisillu isumaqatigiissutigisat eqqortinniarnissaannut atassuteqartut innuttaasunut taasissutigitinneqarsinnaanngillat. Taasisutigitinneqartussaannngillattaaq siunnersuutit §§ 8-mi, 9-mi, 10-mi aammalu 11-mi eqqartorneqartunut inatsisinut atasut aammalu aalajangersagassat § 19-imi eqqartorneqartut inatsisitut pissuseqartittariaqartut, kingulliilli taakku aatsaat taasissutigitinneqarsinnaapput immikkut inatsisiliaasukkut aalajangerneqarpat taasissutigineqassasut. Inatsisit tunngaviusut allannguuteqartinneqarnissaanni § 88-imi najoqqutassiat atortussaapput.

*Stk. 7.* Pisariaqarluinnartillugu inatsisissatut siunnersuut innuttaasunut taasissutigitinneqarsinnaasooq isumaqatigiissutigineqarniariarpat erniinnaq kunnngimit aalajangersarneqarsinnaavoq taamaaliornissamut aalajangersagaasumik siunnersuut ilaqarpat. Inatsisartunut ilaasut aggornerisa pingajuusa stk. 1-imi najoqqutassaattat naapertorlugit piumasarippassuk inatsisissatut siunnersuut inatsilluunniit atortussanngortitaareersimasooq innuttaasunut taasissutigitinneqassasut najoqqutassat siuliini eqqartorneqartut atorlugit taasisitsineqassaaq. Taasisitsinikkut inatsit atortussaatinneqanngippat tamanna statsministerip utaqqisiinnarnagu kingusinnerpaamillu innuttaasut taasisinneqarnerannit ullut 14-it qaangiutsinnagit tamanut nalunaarutigissavaa. Ullormit nalunaarutigineqarfianit inatsit atortuujunnaassaaq.

*Stk. 8.* Innuttaasut taasisinneqartarnissaanni najoqqutassat erseqqinnerusut inatsisitigut aalajangersarneqartussaassapput, tamatumunngalu atatillugu aalajangerneqassalluni qanoq annertutigisumik Savalimmiuni Kalaallillu Nunaanni taasisitsineqassanersoq.

**§ 43.** Akileraarusiineqarsinnaanngilaq akileraarutillu allanngortinneqarsinnaanatik soraarsinneqarsinnaanattillu tamanna inatsisiliuutigineqarsimanngippat; sakkutuunngortitsiniarneqarsinnaanngilartaaq naalagaaffilluunniit taarsigassarsisinniarneqarsinnaanani inatsisit naapertornagit.

**§ 44.** Takornartaq innuttaasunngortinneqarsinnaanngilaq inatsisiliuutigineqarsimanngippat.

*Stk. 2.* Takornartat nunaammik pigisaqarsinnaatitaanissaat inatsisitigut aalajangikkanik najoqqutassiaqassaaq.

**§ 45.** Naalagaaffiup aningaasaanut inatsisissatut siunnersuutit ukiumut tullissamut atortussat inatsisartunut saqqummiunneqassapput kingusinnerpaamik ukiup naatsorsuiffiup aallarnernissaa qaammatinik sisamanik sioqqullugu.

*Stk. 2.* Naalagaaffiup aningaasaanut ukiumut tullissamut inatsisissatut siunnersuutit oqaluuserinerat ukiup naatsorsuiffiup aallartinnissaanut inissangatinnangippat akuersissutaagallartussanut inatsisissat inatsisartunut siunnersuutaallutik saqqummiunneqassapput.

**§ 46.** Naalagaaffiup aningaasaanut inatsisissat akuersissutaagallartutulluunniit inatsisissat inatsisartunit akuerineqartinnagit akileraarutit akileqquneqassanngillat.

*Stk. 2.* Aningaasanik atortitaqassanngilaq naalagaaffiup aningaasaanut inatsisini inatsisartuni akuerineqartuni tapiusutulluunniit akuersissutinut inatsisini akuersissutaagallartutulluunniit inatsisini akuersissutigineqarsimangitsunik.

**§ 47.** Naalagaaffiup aningaasaasa naatsorsuutaat ukiup naatsorsuiffiup naanerata kingornagut qaammatit arfinillit qaangiutsinnagit inatsisartunut saqqummiunneqassapput.

*Stk. 2.* Naatsorsuutininik misissuisussat arlallit inatsisartunit qinerneqartassapput. Taakkua naalagaaffiup ukiumut naatsorsuutai misissortassavaat nakkutigeqqissaarlugulu naalagaaffiup aningaasarsiaasa tamarmik allassimanissaat aningaasanillu atugaqarsimannginnissaa naalagaaffiup aningaasai allatulluunniit akuersissutit pillugit inatsisini akuersissutigineqarsimangitsunik. Paasissutissat pisariaqartut nalunaarsorlugillu allakkat tamaasa takujumasinnaavaat. Naatsorsuutininik misissuisut qassiussusissaat suliassarisaallu inatsisitigut erseqqinnerusunik najoqqutassiorneqarlutik aalajangerneqartussaapput.

*Stk. 3.* Naalagaaffiup naatsorsuutai naatsorsuutininik misissuisut tikkuarniagaannik allagartalerneqarlutik inatsisartunut aalajangigassatut saqqummiunneqartussaapput.

**§ 48.** Inatsisartut ataatsimiittarnermik ingerlasarnissaat namminneq aalajangigassaraat tassanilu erseqqinnerusumik aalajangersagaqarlutik sulissutigisassat qanoq ingerlanneqartarnissaannik akornuteqatsaaliuinissamillu.

**§ 49.** Inatsisartut ataatsimiinneri kikkunnilluunniit tusarnaarneqarsinnaapput. Taamaattorli siulittaasup ilaasortalluunniit ilaasa ataatsimiittarnerit ingerlanneqarnissaanni malittarisassat naapertorlugit amerlassuseqartut ministerilluunniit ilaata piumasinnaavaat ilaasortaangitsut tamarmik ataatsimiiffik qimassagaat, taavalu oqaloqatigiissutigeqqaarnagu aalajangerneqassaaq sulissutigisassaaq tusarnaarteqarluni tusarnaarteqaraniluunniit oqaluuserineqassanersoq.

**§ 50.** Ilaasortat affaat sinnerlugit najuuppata aalajangiiniarnermilu peqataallutik aatsaat inatsisartut aalajangersaasinnaapput.

§ 51. Sulissutigisassat tamanut pingaaruteqartut paasiniartissallugit inatsisartut ilaasortamik ilaat immikkut ataatsimiittartussanngortissinnaavaat (kommissionit). Kommissionit pisinnaatitaapput paasiumasatik allaganngorlugit oqaasiinnanngorlugilluunniit inuinnaasunit naalackersuisulluunniit pisortaatitaannit nalunaarutigeqqusinnaallugit.

§ 52. Kommissioninut sulissutiginnitsitanulluunniit allanut ilaasortassanik inatsisartut qinersineranni inatsisartuni assigiinngitsunik isumallit ilaasortaasa amerlassusiat najoqqutaralugu qinersineqassaaq.

§ 53. Inatsisartunut ilaasortaasoq kinaluunniit inatsisartunit akuerineqarluni inuiaqatigiissutsimut atassuteqartumik sumilluunniit oqaluuserisassanngortitsisinnaavoq tamakkulu pillugit paasissutissaasunik ministerit oqaaseqaqqusinnaallugit.

§ 54. Kissaatiginnissutit inatsisartunut ilaasortat ilaannit taamaallaat inatsisartunut saqqummiunneqarsinnaapput.

§ 55. Inatsisitigut aalajangerneqassaaq inatsisartut inuk ataaseq marlulluunniit inatsisartunut ilaasortaanngitsut qinissagaat naalagaaffiup innuttaasunut sakkutooqarnermullu tunngasunik sulissutiginnitsitaasa suliaannik nakkutiginnittussat.

§ 56. Inatsisartunut ilaasortat namminneq ajunnginnerusorisartik naapertuinnarlugu sulisussaapput qinersisiminnillu qanoq ilioqquneqarnertik naapertorlugu sulisussaanatik.

§ 57. Inatsisartunut ilaasorta q kinaluunniit inatsisartut akuserseqqaartinnagit eqqartuunniarneqarsinnaanngilaq parnaarussaasinnaaniluunniit, aatsaalli peqquserluttuliortillugu qaninngarneqarsimaguni taama pineqarsinnaavoq. Ilaasorta q kinaluunniit inatsisartuni oqaaserisimasani pillugit inatsisartut akuserseqqaarsimatinnagit inatsisartunit qimagusimanermini pisuutinniarneqarsinnaanngilaq.

§ 58. Inatsisartunut ilaasortat akissarsiaqassapput angissusissaa qinersineq pillugu inatsisini aalajangerneqartartussanik.

#### *Kapitali VI.*

§ 59. Rigsretimi eqqartuussisuussapput naalagaaffiup eqqartuussiviani qullermi eqqartuussisutut sivisunerusumik atorfeqarsimasut 15-it angullugit amerlassuseqarsinnaasut, amerlaqataallu inatsisartunit qinerneqassallutik inatsisartuni isumaqatigiit amerlassusiat najoqqutaralugu qinigaasut

ukiuni arfinilinni atassallutik. Qinigaasut tamarmik ataatsimik arlalinnilluunniit qinigaasunittaaq kingoraartissaqartinneqassapput. Inatsisartunut ilaasortat rigsretimut qinerneqarsinnaanngillat ilaasutullu suleqataasussaanaatik, sulissutigisat arlaanni eqqartuussivimmi qullermi eqqartuussisuusut ilaat eqqartuussiniarnermi suleqataasinnaanatillu eqqartuusseqataasinnaassanngikkaluarpata pisinnaanngitsut amerlaqataat rigsretimut ilaassallutik inatsisartunit qinigaasut kingulliit tunuassapput.

*Stk. 2.* Rigsretimut ilaasut ilaminnik siulittaasussarsiortussaapput.

*Stk. 3.* Eqqartuussissutissaq rigsretimut suliassissutigineqarsimappat suliassaq naammassitinnagu inatsisartut qinigarisaat eqqartuussisunut ilaaginnassapput qinigaaffimmik sivissusissaa akimussagaluarunikkuunniit.

*Stk. 4.* Rigsretimi najoqqutassat erseqqinnerusumik inatsisitigut aalajangersagassaassapput.

**§ 60.** Kunngip inatsisartulluunniit ministerinut unnerluussissutigisaat rigsretip eqqartuussissutigisassarai.

*Stk. 2.* Kunngip inatsisartut akuersisillugit allattaq pinerluttuliortutut naalagaaffimmut ajortumeeringaarsinnaasutut isumaqartikkunigit rigsretimi eqqartuussassatut suliassatut suliassissutigisinnaavai.

**§ 61.** Eqqartuussisinaaneq inatsisit pisinnaatitsinerinnaatigut piginnaatitsissutaasinnaavoq. Immikkut eqqartuussisut eqqartuussinissamut piginnaatitaasut akuersissutigineqarsinnaanngillat.

**§ 62.** Eqqartuussineq naalackersuinerмик ingerlatsinermit tamatigut avissaarsimatinneqassaaq. Tamatumani najoqqutassat inatsisitigut aalajangersarneqassapput.

**§ 63.** Naalackersuisunit piginnaatitaanerup akimorneqannginnissaanut atassuteqartut suusulluunniit eqqartuussisunit eqqartuussissutigineqarsinnaapput. Taamaakkaluaq eqqartuussissutissamik taamaattumik sulissutiginnitsitsiniartup eqqartuussisunut suliassininini piinnarlugu naalackersuisunit pisortaataasut peqqussutigisaat naalanngitsoorsinnaanngikkallassavaa.

*Stk. 2.* Naalackersuisunit piginnaatitaanerup killissaanut atassuteqartut eqqartuussissutiginnissaat pisortaataasut eqqartuussiviisa ilaannut arlalinnilluunniit inatsisitigut suliassissutigineqarsinnaapput, taakkuali aalajangiinerat naalagaaffiup eqqartuussisunut qullersaasunut misileqquneqarsinnaavoq. Tamatumani malittarisassat erseqqinnerusut inatsisitigut aalajangersarneqartussaassapput.

**§ 64.** Eqqartuussisut sulinerminni inatsisit kisiisa najoqqutarisassaraat. Eqqartuussaanngikkunik soraarsinneqarsinnaanngillat namminerlu kissaatiginnigpassuk nuutsinneqarsinnaanaatik, eqqartuussisoqarfiilli allatut aaqqissussaanerini aatsaat nuutitaasinaallutik. Eqqartuussisorli 65-inik

ukioqalersimasoq soraarsinneqarsinnaavoq, akissaatinili pigiinnassavai utoqqalilluni soraarsitaasariaqalerfissaraluamini ukiussani angutserlugit.

§ 65. Eqqartuussineq sapinngisamik annertunerpaamillu tamanut ammasumik oqalullunilu paasiniaanerutillugu ingerlanneqartassaaq.

*Stk. 2.* Pillaaniarluni eqqartuussineqartillugu eqqartuussisussatut ilinniarsimangitsut eqqartuusseqataasassapput. Inatsisitigut aalajangersarneqassaaq suliassat suut qanorlu iliorlutik suleqataaffigisassagaat, ilanngullugulu aalajangerneqassalluni sulissutigisassat suut eqqartuussisuunatik eqqartuusseqataasartut (nævningit) suleqataaffigisassagaat.

#### *Kapitali VII.*

§ 66. Ilagiit naalagaaffimmit tapersersorneqartut qanoq naalackersuisutigut ingerlanneqarnissaat inatsisitigut aaqqissuunneqassaaq.

§ 67. Innuttaasut akornusersorneqaratik ilagiittut peqatigiissitersinnaapput pingaartitsinertik najoqqutaralugu guutisioqatigiinniarlutik, kisiannili assuarnaatumik inuunermut eqqissisimallunilu inooqatigiinnissamut akerliusumik ajoqersuisoqaranilu iliortoqassanngilaq.

§ 68. Kinaluunniit peqquneqarsinnaanngilaq guutisioqatigiinnut nammineq ilaaffiginngisaminut akiliuteqartassasoq.

§ 69. Ilagiit naalagaaffimmit tapersersugaasut upperisaannit allaasunik upperisarsioqatigiit pisariaqartui inatsisitigut erseqqinnerusumik aaqqissuunneqassapput.

§ 70. Kinaluunniit upperisani nagguigisaniluunniit pillugit innuttaasutut naalackersuinermilu pisassarititaasut pisinnaanissaannik minnerusukkulluunniit arsaarneqarsinnaanngilaq aammalumi innuttaasut kikkuusulluunniit pisussaatitaaffigisaat naammassissallugit pinngitsoorniarsinnaanani.

#### *Kapitali VIII.*

§ 71. Inuup kiffaanngissusia ajortumiitsaaliugassaalluinnassaaq. Danmarkimut innuttaasoq kinaluunniit naalackersuineq upperisarsiornerluunniit pillugit isumani, nagguigisaniluunniit pissutigalugit, sukkulluunniit namminersorsinnaanermik arsaarneqarsinnaanngilaq.

*Stk. 2.* Namminersorsinnaanermik (kiffaanngissusermik) arsaarneqarneq taamaallaat inatsisit najoqqutaralugit pisinnaavoq.

*Stk. 3.* Kinaluunniit parnaarussassatut tigusarineqartoq nal. ak. 24-t qaangiutsinnagit eqqartuussisumut sassartinneqassaaq. Tigusarineqartoq erniinnaq iperarneqarsinnaassanngippat eqqartuussisup pissuteqartumik pisuutitsissummik nalunaaruteqarnermigut sapinngisamik piaartumik, kingusinnerpaamillu ullut pingasut qaangiutsinnagit nalunaarutigineqassasumik, aalajangissavaa parnaarunneqassanersoq, qimaanissaalu pitsaaliorldugu uppernarsaateqartumik iperarneqarallassappat aalajangerlugu qularnaallisaataasut suussanersut qanorlu annertutigissanersut. Aalajangersagaq tamanna Kalaallit Nunaanni atornissaani inatsisitigut allannguuteqartinneqarsinnaavoq allannguuteqarnissaq Kalaallit Nunaanni pissutsit naapertorlugit pisariaqarsorineqarpat.

*Stk. 4.* Eqqartuussisup eqqartuussisutigisaa eqqartuussamit eqqartuussisunut qullernut erniinnaq immikkut suliassissutigineqarsinnaavoq.

*Stk. 5.* Kinaluunniit parnaarunneqarsinnaanngilaq innarluttuliorneq akiliisitsinerinnarmik pillaamilluunniit annertunnginnerusumik pillateqartussaannaq pissutigalugu.

*Stk. 6.* Pillaaniarluni eqqartuussineq atorneqartinnagu namminersorsinnaanermik arsaarineq eqqartuussisunit aalajangigaanngitsoq takornartallu pillugit inatsisinik tunngaveqanngitsoq namminersorsinnaanermik arsaarneqartup taannaluunniit sinnerlugu saqqummiussisup sulissutigitinniarpagu eqqortumik iliornerunersoq eqqartuussisunit allanilluunniit eqqartuussisinnaatitaasunit misilinneqaqqullugu saqqummiunneqassaaq. Tamatumani najoqqutassat erseqqinnerusut inatsisitigut aalajangersarneqassapput.

*Stk. 7.* Inuit stk. 6-imi eqqartukkat sulissutiginissaat inatsisartut nakkutiginnittussanngorlugit qinigaannut isumagisassanngortinneqassaaq, taamalu suliassanngortut taakku saaffigisinnaasassarissavaat.

**§ 72.** Inigisaq ajortumiitsaaliugassaalluinnassaaq. Illumi nassaarniarluni misissueqqissaarneq, tigusigallarneq aammalu allakkanik pappiaranillu allanik misissuineq, kiisalu peqquneqarani allagarsianik nalunaarasuaatisianillu ammaaneq telefuuniknullu oqaluunnernik naalaarneq, taama pisinnaatitaanissaq inatsisitigut immikkut akuersissutigineqarsimanngippat, taamaallaat eqqartuussisut aalajangiineratigut pisinnaassaaq.

**§ 73.** Piginnittuussuseq ajortumiitsaaliugassaalluinnassaaq. Kinaluunnit pigisani tunniutissallugu pinngitsaaliqarsinnaanngilaq tamanut iluaqutissaasut pillugit allatut ajornarluinnarsimanngippat, arsaarneqarneq inatsisit naapertorlugit taamaallaat pisinnaavoq arsaarinnissutillu naligisaa inornagu taartisissutigineqassalluni.

*Stk. 2.* Pigisanik pinngitsaaliilluni arsaarinissamut inatsisissanut siunnersuut isumaqatigiissutigineqarpat siunnersuutip naammassilluni isumaqatigiissutigineqarneranit ulluinnat pingasut qaangiutsinnagit inatsisartunut ilaasortat aggornerisa pingajuusa

kissaatigisinnaavaat inatsisartussanik nutaanik qinersineqareerpat siunnersuullu inatsisartortaanit akuersissutigineqaqqereerpat aatsaat kunngimut aalajangersagassanngortinneqaqqullugu.

*Stk. 3.* Pinngitsaaliilluni arsaarinermit taartisiassarititanullu atassuteqartut suusulluunniit eqqortumik iliornerunersut eqqartuussisunut misileqqullugit suliassissutigeqquneqarsinnaapput. Taartisiassat angissusilerneqarnerisa misilinneqarnissaat inatsisitigut aalajangiinikkut tamakkuninnga suliassaqaassallutik eqqartuussisunngortitanut suliassissutigineqarsinnaapput.

**§ 74.** Namminersorluni naligiissinneqarlunilu inuutissarsiutinik ingerlatsisinnaanermut killilersuutaasut tamarmik innuttaasut amerlanersaasa iluaqutissaannik pissuteqanngitsut inatsisitigut atortussaajunnaarsinneqassapput.

**§ 75.** Innuttaasut tamarmik iluaqutissaat isumagalugu anguniartariaqarpoq kinaluunniit sulisinnaasoq suliffissaqartinniarneqassasoq imminut pissaqartinnissaminut pissarsiorfigisinnaasassaanik.

*Stk. 2.* Kinaluunniit imminut ilaquuttaminilluunniit pissarsiuussisinnaanngitsaq, allamillu pissarsiorneqanngitsaq, naalakkersuisunit ikiorneqartussaavoq taamali ikiorneqarnermi inatsisitigut pisussaatinneqarnermik peqqussutigineqartut maligassarisariaqassallugit.

**§ 76.** Meeqqat atualersussanngorlutik ukioqalersimasut tamarmik meeqqanut kikkunnulluunniit atuarfinni akeqanngitsumik atuartinneqarsinnaapput. Angajoqqaat angajoqqaalluunniit sinnerlugit meeqqanik nakkutiginnittut meeqqatik meeqqanut tamanut atuarfinni ilinniartitaanermit minnerunngitsumik atuartinneqartikkunikkik taava piumaffigineqarsinnaanngillat meeqqat taakku meeqqanut kikkunnulluunniit atuarfiusunut atuariartortissagaat.

**§ 77.** Kinaluunniit naqitikkatigut, allakkatigut oqalugiarnikkulluunniit isumaminik tamanut tusagassiisinaavoq eqqartuussisutigulli pisuutinneqaatigisinnaasaminik. Saqqummiunniakkanik misissuilluni killiliisarneq allatullu kikkulluunniit isumaannik saqqummiussinaveersaartitsinerit qaquguluunniit kingumut atulersinneqaqqittussaanngillat.

**§ 78.** Innuttaasut pisinnaatitaapput akuerineqaqqaarnatik inatsisinut akerliunngitsumik siunertaqarlutik peqatigiiliornissamut.

*Stk. 2.* Peqatigiit pinngitsaaliinikkut pinngitsaaliiniarnikkulluunniit siunertarisaminnik angusaqarniartut pillartariaqartulluunniit isumaqataanngitsunut sunniiniartut eqqartuussinikkut peqatigiigunnaarsitassaapput.

*Stk. 3.* Peqatigiit suulluunniit naalakkersuisut aalajangiineratigut peqatigiigunnaarsinneqarsinnaanngillat. Peqatigiilli sulinerat unitsinneqarallarsinnaavoq, taamaassappalli soraarsinniarlugit eqqartuussisunut erniinnaq suliassissutigineqassapput.

*Stk. 4.* Naalakkersuisaatsimut atassuteqarlutik peqatigiit soraarsinniarnissaat immikkut akuersissutigineqanngikkaluaq naalagaaffiup eqqartuussisuiunut qullersaasunut suliassissutigineqarsinnaavoq.

*Stk. 5.* Soraarsitsinerup qanoq kinguneqarsinnaanera inatsisitigut erseqqinnerusunik aalajangersaassutigineqassaaq.

**§ 79.** Innuttaasut akuerineqaqqaarsimanngikkaluarlutik sakkulersorsimanngikkunik akornuserneqaratik katersuussinnaapput. Ataatsimiinnerit kikkunnilluunniit ilaaffigineqarsinnaasut politiit najuuffigisinnaasaraat. Silami ataatsimiinnerit inerteqqutigineqarsinnaapput eqqissiviilliornernik kinguneqarnissaat aarleqqutiginarpat.

**§ 80.** Pikitsitsiniartutut ukeruunneqartillugu akornusiisussatut sakkulersorsimasut saassunneqalinnngikkunik ukeruuttut kunngip inatsisillu aqqagut avissaartiteqqugalarlugit naalanneqanngikkunik aatsaat sakkutik atorlugit avissartitsinialersussaapput.

**§ 81.** Angut kinaluunniit sakkumik atuisinnaasoq pisussaavoq inatsisitigut aalajangikkat naapertorlugit nunavigisami illersornissaani nammineerluni ikiuuttussaassalluni.

**§ 82.** Kommunit imminnut atasutigut namminersorlutik naalagaaffimmit nakkutigineqarlutik ingerlatsisinnaasuunissaat inatsisitigut aqqissuunneqassaaq.

**§ 83.** Akimanernut, akimanertut taaguummum akimanerussutsimullu atatillugit inatsisitigut allanit pisassaqartitaanerussut suusorluunniit atortussaajunnaarsinneqarpoq.

**§ 84.** Nunaatit aningaasaatilluunniit matuma kingornagut imaalillugit kingornussassiarineqarsinnaajunnaarput kingornussinerni malittarisassanit tamanut atortunit allaasunik najoqqutassaliorluni ilaqutariinnut taakkuusuinnarnut iluaqutissanngorlugit.

**§ 85.** Sakkutooqarnikkut illersuinissami pisortaaasunut §§ 71-imi, 78-imi 79-imilu aalajangersagaasut taamaallaat atorneqarsinnaapput sakkutuunut inatsisaasuni najoqqutassiat killiliinerat najoqqutaralugu.

#### *Kapitali IX.*

**§ 86.** Kommunini ilagiinnilu pisortaaasunut qinersisinnaanissami ukiorisassat tassaapput inatsisartunut ilaasortassanik qinersisinnaanissami ukiussarititaasutut aalajangigaasimasartussat.



Savalimmiuni Kalaallillu Nunaanni kommunini ilagiinnilu pisortaaunik qinersisinnaanissani qassinik ukioqarnissaq inatsisitigut inatsisilluunniit naapertorlugit aalajangerneqartassaaq.

§ 87. Islandimiut, Danmarkip Islandillu ataqatigiissutut inatsisaasa il.il. atorunnaarsinneqarnerat naapertorlugu Danmarkimi innuttaasut pisassaqtartitaanerattut pisassaqtartinneqartut, inatsisini tunngaviusuni danskinut pisassarititaasut piginnassavaat.

#### *Kapitali X.*

§ 88. Inatsisit tunngaviusut allannguutissaannik siunnersuut inatsisartut akuerippassuk naalakkersuisullu akuersorlugu atortussanngortinniarpassuk taava inatsisartunut ilaasortartaassanik qinersisitsineqassaaq. Siunnersuut allannguuteqartinnagu inatsisartortaanit isumaqatigiissutigineqarpat naammassillugu isumaqatigiissutigineqarneranit ukiup qeqqa qaangiutsinnagu inatsisartunik qinersisussaasunut taasisutigitinneqassaaq akueriumaneraat akueriumannginneraalluunniit taasisillugit. Taama taasisitsinermi najoqqutassat erseqqinnerusut inatsisitigut aalajangersarneqassapput. Taaseqataasut amerlanersaat, qinersisinnaasullu tamakkerlutik 40 pct.-ii inornagit inatsisartut aalajangigaannut akuersisimappata kunngimillu atortussanngortinneqarsimappata tassaalissapput inatsisit tunngaviusut.

#### *Kapitali XI.*

§ 89. Inatsisit tunngaviusut taakku erninnaq atortuulissapput. Danmarkilli naalagaaffiata inatsisai tunngaviusut juunip 5-anni 1915-imi atulersut septemberip 10-anni 1920-mi allannguuteqartut naapertorlugit inatsisartut kingusinnerpaamik qinigaasimasut ataannarallassapput kapitalimi IV-mi najoqqutassiaasut naapertorlugit nutaanik qinersineqarsiillugu. Nutaanik qinersineqarnissaata tungaanut Danmarkip naalagaaffiata inatsisaani tunngaviusuni juunip 5-anni 1915-imi atulersuni septemberip 10-anni 1920-mi allannguuteqartuni inatsisartut pillugit aalajangersagaasut atortuinnarallassapput.

#### **Najoqqutaq**

Nalunaerutit – Grønlandsk Lovsamling – Serie A. Nr. 1. 1969

Nalunaerutit, Grønlandsk Lovsamling, seria A-p tapissai. 1953 aamma 1956.